

本艸乘雅半偈

錢唐後學盧之頤子繇覈叅

本經上品

菖蒲。氣味辛溫。無毒。主風寒濕痺。欬逆上氣。開心孔。補五藏。通九竅。明耳目。出音聲。久服不忘。不迷惑。延年。

覈曰。菖蒲。一名昌陽。堯韭。水劍艸。運斗樞云。玉衡星散爲菖蒲。典術云。堯時天降精于庭。

爲韭。感百陰之氣爲菖。生上雒石澗間。池州戎州蠻谷中者亦佳。所在亦有。月令云。冬至後五旬七日。菖始生。百艸之先生者也。于是始耕。喜生逆水。根莖絡石。略無少土。稍有泥滓。卽便凋萎。葉心有脊如劍。四時長青。新舊相代。新者從莖端抽發。舊者從莖末退去。一葉一節。節稀莖長。節密莖短。莖昂者。莖端生葉。莖仆者。節旁分枝。潔白下生者爲根。翠碧

有節者爲莖。有以根爲鬚。莖爲根者。因莖枝延蔓布石故爾。望夏作花黃色。紫色者尤善。以莖瘦節密。折之中心微赤。嚼之辛香少滓者。入藥最良。以砂石栽之。旦暮易水則易茂。春夏愈摘則愈細。葉僅長寸許。甚有短至一二分者。別有香苗。挺秀金錢臺蒲諸種甚奇。而香苗之最細者。曰虎鬚。尤可娛目。東坡云。凡艸生石上者。必須微土以附其根。唯石菖

昌目光也
詩云美目
昌兮此竅
更切

蒲。濯去泥土。漬以清水。置盆中。可數十年不
枯不死。節葉轉堅瘦。根鬚轉連絡。忍冬淡泊。
蒼然几案。延年之功。信非虛語。神隱書云。石
菖蒲。置几案間。夜坐誦讀。煙收其上。不致損
目。或置星月下。每旦取葉尖珠露洗目。不月
功能明目。久之白晝可見星斗。修治以銅刀
刮去黃黑皮。及硬節。同嫩桑枝相拌蒸熟。日
中暴乾。勿得誤用。形如竹鞭。及色黑氣臭味

腥者。秦皮。秦艽爲之。使惡地膽。麻黃。忌飴糖。羊肉。勿犯鐵器。令人吐逆。

繆仲淳先生云。陽精芳艸。辛溫四達。充百邪。散邪結。壅遏旣徹。九竅應之而通。用資宣道。臻乎太和。仙家服食。藥之上品。上生者也。

先人云。萬物資生于陰。必資始于陽。以陰感陽而盛。故曰昌陽。又云。蒲性幽潔。不喜近人。不染塵垢。得其情性。長生長青。苟失其所。立

見凋萎。又云。蒲葉皆偶。九節爲奇。過不及。皆非中節。又云。在陰在脉之痺。乃濕乃風之因。咸能使之開發。設寒本專令。取効更捷。

紹隆王先生云。菖蒲得道種智。不似人心。隨境卽變。清新寡欲人。餌之莫不仙去。可比琴瑟。妙音指發。

叅曰。水土合和。抽爲艸木。唯菖蒲全得生陽之氣。吮拔水液。盤絡砂石。不假地土之力。昌

美溪浦之間。故名菖蒲。以治病之用。言當號

昌陽。以發生之體言。當號陽昌。痺者。閉塞不

通。風寒濕三種。相合而成。欬逆上氣者。此毫

竅固拒。肺氣壅遏。兩相搏擊。以致喘欬。菖蒲

味辛。氣溫。宣通開發。使一身之氣。起亟旋展。

鬱痺喘欬。當自舒矣。痺證有五。菖蒲獨宜脉

痺。取象形從治。則易于分解。又觀菖葉兩岐。

菖莖盤絡。悉從中心透發。故能開人心孔。而

心孔爲諸脉絡之宗主。其攣結屈曲之狀儼似之。背陽喜陰。臭之爽朗。當補五藏之用。非補五藏之體。以用行則竅通也。明耳目者。通九竅之驗。出音聲。不忘。不迷惑者。開心孔之驗。蒲性幽潔。挺秀長生。故爲延年之藥。

從莖中抽葉處。看破開心孔。又從莖枝盤結處。配合心主包絡。卽種種識證法。亦咸從生成中體會來。不惟說破至理。併說破看法。

梁太祖后張氏。忽見庭前菖蒲生花。光彩灼灼。非世所有。驚謂侍者曰。見否。曰。不見。

曰嘗聞見者當富貴遂
取吞之。是月卽孕武帝。

本經上品

赤箭。氣味辛溫。無毒。主殺鬼精物。蠱毒惡氣。久服益氣力。長陰肥健。輕身增年。

覈曰。赤箭。一名神艸。赤芝。鬼督郵。定風艸。獨搖艸。合離艸。根名天麻。一名離母。生陳倉川谷。雍州太山少室諸處。春生苗。初出如芍藥。獨抽一莖。挺然直上。高三四尺。莖中空。色正赤。貼莖杪之半。微有尖小紅葉。四月梢頭成。

如此生成
甚奇天地
生物亦不
易矣

余鄉宋大
司馬經略
朝鮮一時
乏餉夢中
神授以物
畫其處
覺而掘地

穗作花灰白。宛如箭幹。且有羽者。有風不動。
無風自搖。結實如楝子。核有六稜。中仁如麴。
至秋不落。却透空入莖中。還筒而下。潛生土
內。根如芋。去根三五寸。有游子十二枚。環列
如衛。皆有細根如白髮。雖相須。實不相連。但
以氣相屬耳。大者重半觔。或五六兩。皮色黃
白。名曰龍皮。肉卽天麻也。本經名槩根苗。後
人分苗曰赤箭。根曰天麻。功力稍有同異。故

獲物如芋
如卵煮食
勇力倍膏
久未之識
巖赤箭生
成始知卽
是天麻耳

耳。與六芝同類。力倍人參。故爲仙家服食藥。

之上品。上生者也。但。不易得。世人所用。皆御

風艸根。非赤箭也。御風莖葉。與赤箭相似。獨

莖色青斑。葉背黃白。兼有青點。隨風動搖。子

不還筒。治療稍合。補益大乖異矣。修治宜剉

置瓶中。每十兩。用蒺藜子一鎰。緩火炒焦。蓋

于其上。綿紙三重。封繫瓶口。從巳至未。取出

蒺藜。再炒再蓋。凡七遍。俟冷。淨布拭去汗氣。

竹片剖開。焙乾搗用。

叅曰。赤陽箭剛。陽剛中正者也。力能獨運。不爲物移。故有風不動。無風自搖。見剛之體能立。用能行也。其苗從根而幹。虛中直達。符合少陽自下而上。從內而外。故增益氣力。其實從莖納筒。環列象歲。符合太陰從外而內。自上而下。故長陰肥健。旣類靈芝。亦名神艸。操升降之機。似河車之轉。故能增壽延年。又以

弧矢之威。森衛之衆。潛返之力。故能殺鬼精。
除惡毒。乃若因風動搖。驚癘攣癖。盡屬陰邪。
之證。唯剛能勝之。獨恨土人以御風相混。致
真者遁世。悲哉。吾未見剛者。

